

中國地方志集成

四川府縣志輯（新編）⑤③

道光南部縣志

光緒西充縣志

巴蜀書社·鳳凰出版社·上海書店

第五十三冊目錄

道光南部縣志 一

光緒西充縣志 三五三

光道

南部縣志

清·王瑞慶等 修
徐暢達等 纂
道光二十九年刻本
三十卷首一卷

南部縣志序

嘗謂不通天地人者不可謂之儒而不精核乎天時之貞變地域之廣輪人物之輻輳亦不可以作史志即史之權輿也自作吏者

日從事刑名法律中堂上疲簿書之繁堂下苦敲扑之瘁竭終歲而為之尚不得暇即暇矣或撫几唸詩或飛觴醉月自謂文學吏不囿俗也究之於是邑之

吏治所得幾何哉蓋邑之有志創始難成終尤難創始者必其人擔負勤勞破除習俗於是邑之風土人情典章禮物綜覽大概朗若掌紋然後毅然為之而

不撓於氣顧其間遺漏複沓錯訛諸弊殆所不免人猶諒之而莫或疵之至繼其事者則非詳審精密殫數百晝夜之力絕無罅隙之遺憾者徃徃為邑人士

所詆議故終其事者難也
己酉夏余督學蜀中得晤
南部令李君榴軒公暇以
續成南部志乘相示分門
別類精益求精蓋不規規
於考校之嚴紀載之瑣而
實大有裨於人心風俗者
余固佩王令冶鋒之始其
事者不辭創始之艱而尤
樂李君之成人美而慎終
如始者非沾沾於刑名法
律中人所能舉一念而便

到此也推此意以牧民尚
有頽惰自安乎哉故不辭
而為之序云

道光二十九年歲在己酉
夏五月

賜進士出身翰林院侍講學士

教習庶吉士提督四川學
政海鹽支清彥拜撰



南部縣志序

南部何以得名為其居閭中之南梁時易漢充國之名而名之迄今千餘年仍其舊山有思依蟠龍之勝水有嘉陵西水之清其間

南部縣志

卷首 序

五

節孝選舉鄉賢名宦代不乏人惜舊無志乘文獻無徵王君治鋒宰是邑率紳耆而創始焉繼任李君榴軒為卒成之余巡視之餘詳加披閱見其發凡起例

別類分門有條不紊凡災

祥之驗武備之修疆域之廣狹關隘之旁通以及藝苑名跡畸人逸士瞭如指掌余觀察川北六年矣觀風問俗喜瘠土之民嚮義

南部縣志

卷首 序

六

是書一成既足闡潛德之光益以啟後來之秀願都人士處為醇儒出為名臣鄉閭之氓何以敦孝弟井臼之婦何以勵真良胥當閱是書而感發興起也故

樂為之序

道光二十九年歲在己酉

閏四月

欽命四川川北觀察使者湘南

胡興仁謹識



南部縣志序

夫人才豈有升降哉物利
豈有豐嗇哉然而人才之
升降物利之豐嗇今不逮
於古觀於郡邑之志乘每
感慨係之天地生斯民作
之君使司牧教育之因民

之有靈蠢也爰立學校因
民之有飢寒也爰制農桑
因民之有強弱以相脅也
爰修武備因民之有俊乂
以資任使也爰興選舉而
又考之天文以順天時按
之地輿以啗地利志食貨

民物使之通志藝文民識
使之擴志職官所以著廉
墨也志人物所以昭激勸
也凡以教育斯民者靡不
備載方策雖在一鄉一邑
天之所以為時地之所以
為利選舉之足以重武備

之足以強藝文之足以富
食貨之足以需職官若廉
若墨人物之足以經世維
俗者若而人胥津津於父
老口講指畫間士從而勤
於士農從而勤於農商賈
從而勤於商賈而膺選舉

隸職官者天時何以不拂
夫養地利何以不忒其宜
武備何以勝文教何以振
食貨何以散而能通藝文
何以麗而能則凡夫律已
為民者一一景仰鄉先生
以為趨步此人才之所以

盛物利之所以充固有道
焉以致之非一朝一夕之
故也南部屬郡之東南七
十里與郡同井鬼度嘉陵
江北流及其境繞東北而
出蓬州山有玉臺駟馬金
魚仙鳳廻翔聳峙形勢拱

衛夫固隩區也而志乘缺
略久弗治邑宰王治鋒以
名進士尹茲土政尚慈惠
人德之亟議興是舉旋以
疾去權事者恩恩瓜代至
李榴軒大令引為己任舉
徐曉泉孝廉董其事考覈

詳備列其目凡若干卷問
序於余謹言曰粵稽志乘
士庶若斯其蕃衍也土田
若斯其沃腴也山水若斯
其清淑也物產若斯其饒
足也噫今亦猶之古也廼
比年舉賓興掇巍科者歲

不乏人而擬諸疇昔之以
謀略勇毅著者若張伯岐
侯伯玉李恢緒以門第位
望文章政績著者若陳善
則唐夫父子兄弟及其族
人鴻漸鮮于子駿蒲君錫
近若李子來尚書陳國華

觀察曲魯瞻太守高才亮
節風義凜凜者聞其無聞
地雖稼穡雲屯桑麻鋪荼
歲一不登民有菜色是豈
人才之不古若與抑淹沒
而不表見於世與抑牖迪
斯民者教以文章功利之

術而乖其本末與抑民之耗夫財用者其事眾與抑未究夫蓋藏儲蓄之法而無以備旱澇與是非守土者之是責而誰職其咎與今幸是書之克成觀夫天文輿地知導民重農事務

蠶織不可自棄其利也觀夫武備知安不忘危若險可以守禦若械可以便利文武和協平日講明有勇知方之義無事則巡防以靖盜賊設有警緩急足以恃也觀夫人物選舉職官

藝文知國家之所以登崇俊良者雖一命之士必思有以盡厥事矧在大吏藝文以行誼為先期於有用不專尚靡麗人物藝文同歸一致也觀夫食貨知粟帛魚鹽之利懋遷有無貴

使之輸轉而權其羨也官以是詔其民民以是力其事治一邑一邑治治一郡一郡治治天下天下治噫是在有民社之責者不以為言之迂而懃懃懇懇以實用其力不思亟遷其官

而惟以不克對吾民是懼
不務夫名不迫於效日計
不足月計有餘安靜以致
之易曰久於其道而化成
謂人才升降之不古若物
利豐嗇之不古若其欺予
哉予守是邦幾五年矣虛

縻廩祿無尺寸之益裨於
民深自慚責惟願與共蒞
斯土者敦同寅協恭之誼
孜孜旦夕程功積事以襄
聖朝億萬年太平之盛治庶幾
無負徵文考獻之意也夫
謹序

道光二十九年歲在己酉

夏六月

賜進士出身翰林院編修國史
館纂修奏辦院事教習庶
吉士四川保寧府知府徐
之銘拜撰



創脩南部縣志序

事莫難於經始尤莫難於圖成以無所沿襲之端憑虛肇造非蹈常守故思興起而無由即畏難苟安習因循而不果故有數十百年未嘗議及即間有意於是而空言徒託卒不免築室道謀此經始所以難也一旦試行

南部縣志

卷首 序

七

其事衆謀僉同不可觀厥成乎乃倡率者有故而去分任者無所仔承遂至掘井未及泉為山虧一簣非有志同道合引以為己責毅然振興而鼓舞之將前功盡棄終屬子虛此圖成所以尤難也邑之有志所以紀星野之分而知度數之穀列所以貢

南部縣志

卷首 序

六

山川之位而知疆域之廣輪所以辨井里田廬之高下賦稅力役之多寡而知民之何以遂其生所以考庠序學校之廢興詩書絃誦之盛衰而知士之何以成其教至若廟壇之建置以薦馨香官署之興脩以布政令社濟常平之有備無患郵亭傳舍

之送往迎來又若物產之蕃廡孰無孰有貨材之輻輳為虛為贏推諸名賢碩彥文經武緯之間世而生孝子順孫義行節烈之所在皆有下逮墨客騷人僑居流寓或軼事鐫之碑碣或遺風形諸詠歌即至斷簡殘編吉光片羽莫不可信今傳後流播

無窮端宜裒而集之以為一邑之掌故而備太史輶軒之陳然則志之所繫不綦重哉南部漢為充國縣屬巴郡其後沿革不一梁始改曰南部縣元屬保寧府明併入閬中復置仍屬保寧國朝因之予於乙巳春奉檄尹是邑下車伊始即訪求志書吏以

南部縣志

卷首 序

九

舊所鈔錄二本進闕略弗全不足徵信遂集耆紳而詢之僉云二百餘年未嘗有此予維周禮大司徒掌天下之圖辨邦國都鄙與財用之數今之志即古之圖以故邑有邑志郡有郡志省有通志

京師有一統志大小不同為志則

一無志何以察天經明地紀審民風之厚薄士習之淳漓又況歷代損益異宜

聖朝

休養至渥其間流風餘韻往行前言以及一名一物資考鏡而供采擇悉無文獻可徵亦守土之責也不揣固陋爰議創脩眾耆紳踴躍景從咸樂於趨事乃

南部縣志

卷首 序

三十

詳立條規分置簿籍以廩貢任作輔增生黃宗善監生敬作賓司局務以廩生張清鑑增生陶多欽增生何衢亨增生吳昌緒附生褚用儀附生何心田附生彭定邦司采訪以拔貢黃煒廩生李向陽附生杜春熙司編次以貢生杜海齡廩生范蒸雲增

生謝玉書司校對以武舉褚彥昭武舉李光斗武生梁安定督梓人以拔貢宋澤清附生曾恕司參訂分修則舉人謝繼申拔貢陳觀林拔貢曲誠和合纂而總大綱則舉人徐暢達舉人李咸若經度年餘已有端緒而予於戊申四月以疾去任榴軒李

君臨蒞此邦亟為嘉許督從事諸子無怠無忽昕夕編摩不數月勒為成書是役也始於丁未夏五月成於己酉秋八月事竣索序於予予謂志與史相表裏作史難非擅才學識三長不可作志何獨不然古志多矣獨以康對山武功為最豈其餘盡不

善哉考核不精去取不當甚且以私意與其間無惑乎不足觀也今斯志發凡起例別類分門悉權輿於府志而抉擇惟謹雖未云至精且當要亦謀野則獲等於草創之裨謀後之人或加討論脩飾潤色之即以此志為嚆矢亦無不可予固不敢以經

賜進

士出身南部縣知縣保陽王瑞慶治鋒氏序

知縣

王瑞慶

南部縣志序

余卸篆剛氏之冬月晤治鋒王君於蓉城旅舍談及南隆志書一事諄諄屬余余唯唯次年孟春余接篆視事山長徐孝廉至署詢及志局諸事草創而總裁尤難其人余曰願局內諸公勿憚其勞余謬充齊之神師也可

南部縣志

卷首序

三

夫作史者咸稱班馬有良史之才遷文直而事詳尚矣其次治書侍御史陳壽作三國志辭多勸誡有益風化雖文豔不若相如而質直過之按南部居保郡之南我道憲觀察風俗問民疾苦之所臨泣者我也

府憲朱轡行部所在賑恤分路

揚鑣者也志書不可以不成以言天文如魏高允之論星傳善言遠者先驗於近據金水附日之常正五星聚井之謬衆皆歎服唐李淳風深明星躔善於著述所修天文律歷五行三志最可觀採又漢書地理志稱涼州

南部縣志

卷首序

四

之畜為天下饒水草畜牧所宜詳也齊左僕射王儉議金粟之重八政所先食貨通則國富民安宜加編錄以崇務本宋史李清臣傳撰河渠選舉諸志文直事詳人以為不減史漢齊書檀超傳超與驃騎記室江淹掌史職禮樂藝文依班固朝會衣服